

武備志

明·茅元儀輯



武備志第十四冊

卷一四八 占度載	
占一 占天	5957
卷一四九 占度載	
占二 占日一	5973
卷一五〇 占度載	
占三 占日二	6009
卷一五一 占度載	
占四 占日三	6061
卷一五二 占度載	
占五 占月一	6095
卷一五三 占度載	
占六 占月二	6139
卷一五四 占度載	
占七 占星一	6189
卷一五五 占度載	
占八 占星二	6225
卷一五六 占度載	
占九 占星三	6285
卷一五七 占度載	
占十 占星四	6349

武備志卷一百四十八

防風茅元儀輯

占度載

茅子曰語有之爲將者上知天下知地中知人今
曰兵訣曰戰畧曰陣練曰軍資皆人也故作占度
載以盡天地之事夫天地者亦人而已矣

占

度

占一

茅子曰占豈易言哉日月星辰五行雲物天之象也太乙奇門六壬諸家天之理也因象以察天據理以質天天順而道資之故曰爲將者不可不知天文非知天之急也知乎天則先天而天不違天不違則安往而不伸哉故曰王者有征無戰我於占三致意焉然天官之言占術之說其書各充棟我擇其言兵者而已風雨水旱疾疫火災兵所慮也故并載之首以天統其大也次以日次以月次以星次以雲氣次以風雨次以風次以蒙霧次以

虹霓次以霞次以雷電次以雨雹次以霜露次以
冰雪次以五行是爲天官首以太乙窮其宗也次
以奇門次以六壬次以雜占次以選擇而厭禳則
附之是爲占驗丁甲之術奉玄女役天神雲可吸
風可集雷可轟雨可沛吾少也賤故於茲久溺焉
然性而不可傳也君子察其微使天之不我違而
已驅天而不違吾不敢也要其說出於奇門存其
畧不言其詳

上天

占日

占月

占星

占雲氣

占風雨

占風

占蒙霧

占虹蜺

占霞

占雷電

占雨電

占霜露

占冰雪

占五行

太乙廟算

太乙陰陽遁局

奇門玄覽

奇門遁甲符應經纂

六壬直指

六壬軍帳賦

六壬兵帳鈎玄

六壬兵占

雜占

選擇

厭禳

占天

茅子曰天之體清而其色有異天之體靜而其鳴

裂爲異，天之雨常，而其雨異物爲異，故曰色曰變，曰雨，凡三等。

天之色

天之變

天之雨

天之色

輕清上浮，蒼茫成色，此天之本象也。若忽變色，是謂異常，有咎。

天高色白，爲旱。

天色慘黃爲風

天色慘白風聲淒切大兵起

天色慘白昏濛常爲遊氣之蔽或久陰不雨主下有謀上或朋黨欺蔽君之明德不解其咎則爲變
叛兵火

天色青碧陰氣連勝東夷兵起侵犯中國

天赤如血陰極亢陽火災兵起

天色慘白而淡爲風雨一曰爲喪爲憂

頻頻天色忽變赤紅中外動兵

天色變黃、旱荒盜起、

天色變赤、夷狄來侵、

天色光忽變赤紅、明君出世、干戈永息、

天氣白濛濛、兵起境中、

天氣低昏、三日雨兆、

天白久陰、陰冒陽也、陰謀兵災、

天暴寒、陰剝陽也、國有陰謀、野有兵變、

天翳霾陰、氣結滯、潛謀作亂、

天之變

天鼓鳴空中無雲氣忽然如鼓聲响名爲天鼓也、忽天地昏暗而中有聲如雷响過者乃天鳴也、

天鳴有聲至尊憂且驚皆亂之所生也、一曰萬姓勞形一曰所鳴之方兵變疫生、

天發哀鳴所鳴之方下有王者革位、

天忽開裂陽不足也兵起其分、

天門忽開陰氣冲破土地分圻中國更王、

天分爲二王者分土又主君災、

天開見光流血滂滂、

天裂見人兵起國凶

天色變常地震連日國主重殃

天之雨

天雨物人所見地皆主大兵

天雨人是謂凶殃不出一紀天下易主

天雨禽獸是謂不祥不出三年其下兵起一曰流
民凶有喪

天雨石墜地大可一尺或如雞子兩頭尖銳名曰
天鼓所下之邦必有大戰伏尸一曰臣叛君危兵

正傳卷三十一
變國亂

天雨金名曰刑餘殘殺無辜不出一年有兵災、
天雨錢其國大饑有兵亂

天雨水銀寇兵至、

天雨金銀鐵花兵將興、

天雨地生肉有形不成體不成色者名曰天傷其

國滅亡佞人祿功臣戮多冤獄、

天雨黑多冤獄臣殘虐有陰謀、

天雨赤水名曰天泣世平盜起流血屠城世亂有

出戡定者

天雨木陽違陰塞歲凶人災將相有難

天雨墜龍不祥之兆龍君之象也

天雨魚水失其性國有兵

天雨驚兵革起國亂不安

天雨血名曰天妖爲淋尸水兵起血戰災疫盛行

天雨膏君淫兵敗民屠戮

天雨膏如蟲將帥敗

天雨骨陽氣消燂兵役盛興

天雨黃塵、天下大饑、

天雨黃沙、其下有義兵起、

天雨墨臣、下有陰謀、一曰君無道、奸臣得志、不出

五年國亡、

天雨如杵臼、其國饑、

天雨笠、國大饑、

天雨戟、不出三年兵起、

天生兵械在雲中、夷狄歸順、

天雨絮、有兵、

天雨絲綿天下有兵喪不出六年大亂

天雨績狀如麻絲脆若地毛大饑人流有積骸

天雨布帛兵喪並起人流無所

天雨毛金失其性動干戈役土木

天雨五穀木失其性歲凶民饑兵革亂起

天雨花木失其性驕淫風熾歲饑民貧將亂之兆

天雨草火失其性旱兵起民饑

天雨釜火失其性歲凶兵亂得釜者興

天雨灰土失其性君暴臣叛兵起